

修武縣志卷之一

星野

周禮保章氏以星土辨九州之地所封封域皆有分星以觀妖祥然天官家言言人人殊諸史所載亦多鑿枘如修武或以爲室壁分野或以爲觜觴參將何所適從乎愚嘗細繹其故蓋諸家之言星土者咸以國與州統而舉之歷代遷徙靡常分併不一以致分野遂因而混淆然則欲知天文者必先詳地理或名異而地同或名同而地異隸屬沿革瞭如指掌則諸說之是非可得而折衷矣

修武縣志

卷之一

星野

一

帝王世紀皇帝分星次自危十七度至奎四度日豕韋一次一名娵訾於辰在亥謂之大淵獻於律爲太簇斗建在寅今衛分野

一度一千九百三十二里

史記衛地營室東壁之分野今東郡及河內之野

王朝歌

晉天文志娵訾爲衛土分野屬并州容齋洪氏曰十二國分野上屬二十八宿其甚不可曉者莫

如晉天文志謂自危至奎爲娵訾于辰在亥衛之分野也屬并州且衛本受封於河內商墟後徙楚邱河內及冀州所部漢屬司隸其他邑皆在東郡屬兗州與并州了不相干而并州之下所列郡乃安定天水隴西酒泉張掖諸郡自繫涼州耳謬亂如此豈非蔽於天而不知地乎按星經通典皆云亥爲衛分屬并州

星經室壁星曰娵訾宮曰雙魚辰曰亥州曰并爲衛分

修武縣志

卷之一

星野

一一

漢書地理志魏地觜觿參之分野其界盡河東河內

隋地理志自柳九度至張十六度爲鶉火屬三河則河內河東也

舊唐書天文志營室東壁娵訾也初危十三度餘二千九百二十六抄一太中營室十二度終奎一度自王屋太行而東得漢河內至北紀之東隅北負漳鄴又自河濟之交涉滎波濱濟水東

得

鄘衛凡

地 輝縣

胙邶

地 河內

雍

地 修武

共

地 輝縣

微衛地南燕胙城地之國

新唐書天文志十月陰氣進踰乾維始上達於天  
雲漢至營室東壁間升氣悉宛與內規相接故  
自南正達於西正得雲漢升氣爲山河上流自  
北正達於東正得雲漢降氣爲山河下流媿訾  
在雲漢升降中居水行正位故其分野當中州  
河濟間

文獻通考營室東壁衛分野兼得魏宋齊趙之交  
又天宮昂畢趙分野兼得魏衛之交

修武縣志

卷之一

星野

三

明清類分野書潭懷衛相皆衛分也

天文星指室壁衛輝府懷慶府彰德府大名府

明婁樞河內星野魏分與衛分攷天文雖未之習  
而地理則有所據國之遷徙雖無常而星之分  
野則有定班固地理志稱魏地觜觿參之分其  
界自高陵以東至河東河內是以河內爲觜觿  
參之分野矣又曰衛地營室東壁之分野也東  
郡衛郡河內野王朝歌皆衛分也是又以河內  
爲營室東壁之分野矣史記正義亦以河東河

內爲魏地觜觿參之分野河內之野王朝歌爲  
衛地營室東壁之分野兩分之說正與漢書同  
朱子釋詩曰今懷衛澶湘滑濮等州開封大名  
府界皆衛境也是以衛前所失之衛與後所都  
之衛交舉而互言之旣以河內屬魯衛之衛矣  
及釋孟子則曰河內河東皆魏地是以河內爲  
趙魏之魏則自懿公失國之後河內錫於周分  
於魏言之也吾嘗詳攷河內之域屬魏與屬衛  
之別河內本殷之舊都周旣滅殷分其畿內爲

三國風卽鄘衛是也卽封武庚管叔尹鄘蔡叔  
尹衛以監殷民謂之三監書序曰武王崩三監  
叛周公誅之盡以其地封康叔遷卽鄘之民於  
洛邑故三國之詩同風至十六世懿公爲狄所  
滅齊桓伐狄而更封衛於楚邱是爲文公子成  
公遷都帝邱今之濮州也樂記謂桑間濮上之  
音是已襄王十七年以河內地與晉賈逵云晉  
有功賞之以地陽樊温原攢茅之田也使河內  
屬衛王安能奪彼以與此則河內非衛明矣

左傳謂晉始啓南陽蓋小修武之南陽非今唐  
鄧之南陽也魏本周同姓之國晉獻公滅之以  
封其大夫畢萬及三家分晉而河內更屬於魏  
魏惠王三十一年獻河西地於秦徙都大梁國  
仍稱魏而所都之地實非魏也且魏分晉地在  
刪詩之後詩有魏風有唐風有衛風唐卽晉今  
山西平陽府是也衛則衛之東郡浚邑澶淵之  
地是也魏爲河內無疑矣漢費直蔡邕魏陳卓  
唐李淳風僧一行星歷之說各有不同樞獨愛

鄭漁仲之論曰漢魏諸儒言星土者或以州或  
以國辰次度數其歲星遷徙亦非天文之正不  
可爲據又况魏徙大梁則河西合於東井秦拔  
宜陽則上黨入於輿鬼我故曰國之遷徙雖無  
常而星之分野則有定是也唐一行之言十二  
次也惟以雲漢始終言之雲漢江湖之氣也認  
江湖脉絡於兩戒識斗羅升沉於四維分野所  
在如指諸掌先儒亟稱之夫一行以定星野於  
國不如定星野於雲漢蓋以在地者有遷而在

天 無遷也樞獨以爲定星野於雲漢不如定  
星野於山嶽蓋以在天者難步而在地者易步  
且無遷也近見河南志以河內爲衛室壁分野  
山東志以濮州爲衛室壁分野且河內南接不  
百里卽爲柳張之分野北接河東不百里卽爲  
觜觴參之分野而東去濮博殆千里室壁分此  
又分彼是何其狹而長乎晉天文志亦謂河西  
四郡爲室壁分野乃越雍岐遠分於六千里之  
外益不可曉史記天文志營室至東壁爲并州

分野昔舜以冀州太廣分其西北爲并州卽大  
同太原是也若如諸書所討則山東河南山西  
陝西無地而非室壁之分野所攷滋多所惑滋  
甚括地志以觜觴參爲益州分野星經曰益州  
魏地畢觜觴參之分河內上黨雲中是也今按  
禹貢分九州有梁漢武帝改梁州爲益州卽今  
之四州是也與河內相去萬里諸儒於地里之  
易步者尚紛紛無定而况天文難步者乎信子  
天道不可得而聞也吾故曰天文雖未之習而

地理則有可據者是也大抵河內之地所以分野不定者古屬山西却在山東今屬河南却在河北古者列國因地之俗以獻詩吾今因詩之俗以占地因地以定星之分野可乎張子曰衛國地濱大河其地土薄故其人氣輕浮其地卑下故其人質柔弱今衛輝曹濮陳留浚儀澶淵之風俗人物酷似之河內之地土不薄地不下人不輕浮柔弱決非衛地也地非衛地則非室壁之分野明矣魏風諸篇葛履汾沮洳言地狹

隘民儉嗇而褊急也河內之楚人似之伐檀園有桃性狷介心多憂思也河內之君子似之後雖有善詩者形容河內之風不能有加於此當作魏地無疑矣地爲魏地則星爲觜觴參之分野又奚疑

按魏風之魏在今山西非河內也援詩以證悞矣  
詳見雜識

修武縣志

星圖

—





